

Tá an t-athrú digiteachta ag dul i bhfeidhm ar shochaithe ar iliomad bealaí. Múnlóidh na hathruithe sin an chaoi a gcaitheann daoine an saol ina iomláine. Is é cuspóir na hoibre óige tacú le forbairt phearsanta agus shóisialta daoine óga. Glacann an earnáil cur chuige neamhshrianta agus neamhfhoirmiúil i leith an oideachais agus dá bhrí sin tá ar a cumas freagairt do riachtanais daoine óga i sochaí atá ag éirí níos digití agus ról nach beag a bheith aici maidir leis an mbearna dhigiteach a líonadh agus an uilechuimsitheacht a chothú. Tig le hobair óige digiteachta teicneolaíocht a úsáid ionas go mbeadh teacht níos fearr ar sheirbhísí oibre óige agus go mbeidís níos ábhartha. Tig léi deiseanna agus spásanna a chur ar fáil inar féidir le daoine óna dearcadh criticiúil, nuálach agus luachbhunaithe a fhorbairt i ndáil leis an athrú digiteachta, agus inar féidir leo todhchaí dhearfach dhigiteach a chomhthógáil.

**Is ionann an saol digiteach agus ár saol féin um an dtaca seo toisc go bhfuil an digiteacht chomh fite fuaite sin inár saol. Dá bhrí sin, is dóigh liom go bhfuil sé tábhachtach, riachtanach nach mór, go mbeadh cearta digiteachta ann."**

**Ibrahim, Albain**

**"Is aoibhinn liom mo chuid eolais a roinnt le daoine óga eile."**

**Leon,  
An Ghearmáin**

### **Cad is Obair Óige Dhigiteachta ann?**

#### **Obair Óige Dhigiteachta<sup>1</sup>**

- Dirítear ar dhigitiú agus ar athrú digiteachta a dhéanamh ar earnáil agus ar chleachtas na hoibre óige
- Is é atá i gceist na meáin dhigiteacha agus an teicneolaíocht a úsáid go réamhghníomhach agus/nó dul i ngleic leo i gcleachtas na hoibre óige mar uirlis, mar ghníomhaíocht agus/nó mar inneachar
- San áireamh air tá raon leathan modhanna agus cur chuige is féidir a úsáid i dtimpeallacht oibre óige ar bith
- Tá na haidhmeanna céanna aige agus baineann na heiticí, na luachanna agus na prionsabail chéanna leis agus a bhaineann le hobair óige i gcoitinne.
- Is féidir leis tarlú i dtimpeallachtaí duine os comhair duine nó ar líne

# Cad iad na Torthaí a bhaineann leis an Obair Óige Dhigiteachta?

## Tá an Obair Óige Ábhartha agus Freagrúil

- Bíonn an oibrí óige agus beartais óige réamhghníomhach agus cuirtear an fhorbairt teicneolaíochta agus an digitíú san áireamh mar is cuí iad, agus sainíonn siad na hiarmhairtí dearfacha agus diúltacha a bhaineann le digitíú na sochaí, ina measc iarmhairtí i ndáil le chleachtais agus seirbhísí óige.
- Bíonn teacht níos fearr ar sheirbhísí oibre óige i measc daoine óga agus bíonn siad níos ábhartha dóibh, ina measc teacht ar na daoine óga sin a bheadh scartha amach go sóisialta agus go tíreolaíoch
- Bíonn meon mear criticiúil ag oibrithe óige i leith na teicneolaíochta digití, agus bíonn ar a gcumas obair óige ar ardchaighdeán a dhéanamh
- Comhoibriú níos mó agus líonraí agus líonrú idirnáisiúnta domhanda

## Bíonn Daoine Óga<sup>2</sup>

- rannpháirteach agus cumhachtaithe, gníomhach agus cruthaitheach i sochaí dhigiteach
- ag forbairt scileanna litearthachta digití, STEAM<sup>3</sup> agus sna meáin
- muiníneach, seasmhach agus dóchasach faoin todhchaí
- in ann caidrimh phearsanta, shóisialta agus fhoirmiúla a bhaistiú sa ré dhigiteachta
- ag déanamh a marana ar na baoil a bhaineann le digitíú, ag déanamh cinntí eolacha agus réasúnaithe, agus ag glacadh ceannais ar a gcéannacht dhigiteach
- ag labhairt amach agus ag léiriú a thiomanta atá siad don tsochaí ar bhealaí digiteacha
- ag teacht ar dheiseanna nua líonrúcháin, comhoibriúcháin agus rannpháirteachais sa tsochaí

“Mar a deir Kate (oibrí óige) linn, ní tuairim ar bith ró-áiféiseach. Tugann sí orainn smaoineamh ar bhealaí nua i gcónaí.”

Shannon, Éire



## Samplaí de Chleachtas na hOibre Óige Digiteachta<sup>4</sup>



Mar uirlis

Dírítear ar sheirbhísí oibre óige a dhigitíú ionas go mbeidís níos inrochtaine, cothrom le dáta agus níos ábhartha

- Rannpháirteach i gcinntí a dhéanamh le huirlisí digiteacha
- Feidhmchláir na meán sóisialta a úsáid chun teagmháil a dhéanamh le daoine óna
- Comhairleoireacht ar líne le daoine óna leochaileacha



Mar ghníomhaíocht

Dírítear ar fhoghlaim de bhun a dhéanta agus ar ghníomhaíochtaí inláimhsithe.

- Grúpa cluichíochta chun cultúr dearfach cluichíochta a chothú
- Tionscadail STEAM agus déantóra chun scileanna an 21ú haois a fhorbairt
- Comhfhoghlaim chun meáin dhigiteacha a chruthú



Mar inneachar

Dírítear ar shaincheisteanna a bhaineann le digitíú

- Caidrimh agus iompraíocht ar líne a phlé
- Téamaí a bhaineann le digitíú agus le litearthacht dhigiteach a iniúchadh
- Daoine óga a chumhachtú chun a gcearta digiteachta a éileamh

<sup>2</sup> Bunaithe ar Scotland's Youth Work Outcomes, YouthLink Scotland 2016

<sup>3</sup> An Eolaíocht, an Teicneolaíocht, an Innealtóireacht, na hEalaíona agus an Mhatamaitic (úsáidtear STEM go minic leis)

<sup>4</sup> [www.digitalyouthwork.eu/good-practices](http://www.digitalyouthwork.eu/good-practices) mar a bhfuil teacht ar 36 ghearrscannán samplach

# Treoirínte um Fhorbairt Eagraíochtúil na hOibre Óige Digiteachta

**Straitéis:** An obair óige dhigiteachta a neadú i straitéis agus i bhfís na heagraíochta

**Cultúr:** Nuálach agus fiosraitheach - cuir chuige nua a thriail, foghlaim ó chliseanna agus dul chun cinn a dhéanamh

**Rialachas agus Bainistíocht:** Cúinsí digiteachta a thabhairt isteach i mbeartais, i gcaighdeáin eitice, i bpróisis agus sa phleanáil

**Acmhainní Daonna:** Oiliúint a chur ar bhaill foirne agus ar oibrithe deonacha go rialta chun a gcumais a chothú agus chun dúshlán na meon seasmhach a thabhairt

**Bonneagar:** Na bogearraí, na cruá-earraí, an trealamh, na huirlisí agus an nascacht atá riachtanach a thabhairt do bhaill foirne agus do dhaoine óga

**Comhpháirtíochtaí:** Leas a bhaint as comhpháirtíochtaí trasearnála ach luachanna oibre óige a chothú ag an am céanna



## Prionsabail um Oibrithe Óige a fhorbairt d'Obair Óige Digiteachta

### Cleachtas

- Obair Óige Dhigiteachta a phleanáil agus a sheachadadh de réir spriocanna oibre óige agus riachtanas agus mianta daoine óga agus an digiteacht a thabhairt isteach sa tairiscint oibre óige
- Gníomhaíochtaí, uirlisí agus digitíú na hOibre Óige Digiteachta a thabhairt isteach mar dheiseanna oibre do dhaoine óga agus daoibh féin, ach úsáid a bhaint as modheolaíochta nuálacha
- An fhoghlaim bunaithe ar fhiosrú a chothú: spás a chruthú do dhaoine óga agus d'oibrithe óige chun iniúchadh a dhéanamh, chun earráidí a dhéanamh agus a réiteach, chun deacrachtaí a shárú le chéile
- Éascaíocht a dhéanamh don athrú ó thomhaltóir go cruthaitheoir
- Cinntí eolasacha a dhéanamh faoi na huirlisí atáthar a úsáid, agus cearta, sábháilteacht, inrochtaineacht agus taitneamh daoine óga á gcur san áireamh
- Bíodh an mheasúnacht rannpháirteach mar chuid den phleanáil
- Taispeáin tionchar na hOibre Óige Digiteachta agus tabhair aitheantas níos fearr di

### Eitic

- Aistrigh bonn agus cinnteoireacht as líne go comhthéacs digitithe, ach dúshlán nua na digiteachta a chur san áireamh
- Caidrimh agus teorainneacha gairmiúla a chothú
- Obair a dhéanamh ar bhealach a chumhachtaíonn daoine óga agus a chuidíonn leo a gcearta a chosaint
- Cuidiú le daoine óga smacht a fháil ar a gcaidreamh le digitíú, leis na meáin dhigiteacha agus leis an teicneolaíocht ach smaointeoireacht chriticiúil a dhéanamh

### Forbairt Ghairmiúil

- Deiseanna nua oiliúna a lorg chun eolas agus scileanna a fhorbairt de réir a chéile
- Dúshlán meon aigne a thabhairt agus cuidiú le cultúr atá solúbtha ó thaobh na digiteachta de a chothú i dtimpeallacht oibre óige
- Tabhairt faoi phiarfhoghlaim, eolas a roinnt agus comhoibriú idirnáisiúnta
- Is tábhachtaí i bhfad go mbeadh spéis ag duine sna teicneolaíochtaí digiteacha agus go mbeadh meon aigne solúbtha aige seachas a bheith ina shaineolaí sa teicneolaíocht

## Maoinitheoirí agus Lucht Déanta Beartais

Seo a leanas eiseamláirí iontacha faoin gcaoi ar féidir Obair Óige Dhigiteachta a úsáid i gcleachtas. Dá bhrí sin, a mhaoinitheoirí agus a lucht déanta beartais, tá go chúnamh-sa de dhíth ar earnáil na hoibre óige ionas gur féidir le GACH duine óg an deis a bheith acu.

**Ní mór go mbeadh meas agat ar an obair óige mar chleachtas tábhachtach oideachais ar féidir leis daoine óga a chumhachtú i sochaí atá ag digitiú.**

### A bhfuil ag teastáil ó mhaoinitheoirí:

- A thuiscint gur chóir cuir chuige, spriocanna, eitic agus teorainneacha gairmiúla na hoibre óige a chur san áireamh sa digitiú agus go mbeadh meas orthu as an tionchar a bhíonn acu
- A thuiscint nach mbíonn ardlitearthacht agus ardscoilleana digiteachta ag daoine óga ó bhreith
- Glacadh le próisis atriallacha agus le foghlaim ó chliseanna nuair a bhítear ag measúnú agus ag tuairisciú: an turgnamhacht a spreagadh agus athruithe ar ghníomhaíochtaí beartaithe a cheadú
- Maoiniú a dhéanamh ar bhaill foirne, ar bhonneagar, ar threalamh agus ar oiliúint rialta do chleachtóirí - baill foirne agus oibrithe deonacha
- Infheistíocht a dhéanamh i dtaighde leanúnach ar thionchar na Oibre Óige Digiteachta
- Tacú le baill foirne in eagraíochtaí maoiniúcháin ionas go dtuigfidís an luach a bhaineann le hobair óige dhigiteachta agus comhroinnt an tsárchleachtais a chothú

### Achainí ar lucht déanta beartais:

- Tabhair faoi deara agus cothaigh luach na hoibre óige maidir le tacú le daoine óga an saol seo atá ag éirí níos digitithe a chaitheamh ar bhealach a chumhachtaíonn an chruthaitheacht, an féin-léiriú, an tseasmhacht agus guth na n-óg
- Bíodh an obair óige dhigiteachta san áireamh i straitéisí, i mbeartais agus i reachtaíocht óige
- Bíodh an digiteacht i gcreata gairmiúla don lucht oibre agus déan infheistíocht in acmhainn a fhorbairt
- Déan áisitheoireacht don obair thrasrannach maidir le ról agus tábhacht earnáil na hoibre óige a fhiosrú sa ré dhigiteach
- Tacaigh le riachtanais earnáil na hoibre óige d'ardáin a chuireann deiseanna cuí ar fáil do rannpháirtíocht ghairmiúil oideachais

**“Bhain mé an-taitneamh as, b’iontach an t-eispéireas é ós rud é nach raibh ann ach go raibh mé ag féachaint air i gcéin, ach nár fhreastail mé air riamh agus anois ní deis agam a bheith rannpháirteach ann.”**

**Duine óg, An Ostair**



Príomh-acmhainní: Tuairisc Ghrúpa Saineolaithe na hEorpa um Dhigitiú agus an Óige, Tátail Chomhairle an Aontais Eorpaigh um Obair Óige Chliste agus Tátail Chomhairle an Aontais Eorpaigh um Obair Óige Dhigiteachta (le glacadh 2019)



[www.digitalyouthwork.eu](http://www.digitalyouthwork.eu)

